



# FAFANA



Volana Aprily 2023 - Laharana 234 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2<sup>2</sup>

## GAZETY AVOAKAN’NY FJKM ANKADIFOTSY ISAM-BOLANA

### MPAMAKITENY ANKADIFOTSY > 5

## Fiderana lehibe noho ny faha-35 taona



### FINARITRA I



Ry Havana Malala,  
Ry Kristiana Havana!

### “Ny herin’ ny fitsanganan’ ny Tompo”

manitra iatombohan’ny ankehitriny ho fandaozana ny lasa. “Koa raha misy olona ao amin’i Kristy dia olom- baovao izy; efa lasa ny zavatra taloha, indreto efa tonga vaovao ireo” I Korintiana 5. 17. Ny finoana ny fitsanganan’ny Tompo no fahateraham-baovao ho an’ny mino izay mariky ny Fanjakan’Andriamanitra.

Maro isika no mbola lasibatry ny haizina, tafalatsaka ao anaty fahadisoam-panantenana sy ny fahakiviana. Ny finoana ny fitsanganan’ny Tompo tamin’ny maty no mameleona fanantenana indrindra, ka mampahiratra ny maso hahita sy hahatsapa ny Famonjen’Andriamanitra tahaka ny mpianatra ; raha hanosotra menaka ny fatin’i Jesoa tany amin’ny fasana no naleha, fitalanjonana no nitranga, satria i Jesoa velona, tsy tao amin’ny fasana intsony, no hita. Ny olona mihevitra ny hahita loza, rehefa mino dia tsy loza intsony no hitany fa Famonjena.

Ny mpino Azy ihany no isehoan’ny Tompo ary afaka manaporofo ny fahavelomany. Fanehoana izany fa amin’ny finoana ihany no ahitana ny fitsanganan’i Jesoa ary takona ho an’ny tsy mino izany. Ny finoana no vavahadin-tsaina ahitana etsy sy eroa, fa tena herin’Andria-

ny Fitsanganan’ny Tompo tamin’ny maty, ka hahatsapana ny fahamari-nam-pototry ny Toriteny. “ko a raha tsy natsangana i Kristy dia foana ny toriteninay, hoy ny Apostoly Paoly, ary foana koa ny finoanareo” I korintiana 15. 14; Ny herin’ny fitsanganan’ny Tompo no antoka hitondra antsika ho amin’ny fiafiana mandrakizay, sady santatry ny fitsanganan’ny mino rehetra amin’ny maty, nefo koa isantarat-sika fiafina-baovao sahady dieny izao, raha mino isika.

Ny herin’ny fitsanganan’ny Tompo dia Herin’Andriamanitra manaina hiala ao amin’ny haizina ho amin’ny fahazavana lehibe ao amin’i Kristy ary mamindra antsika hiala amin’ny fahafatesana ho amin’ny fiafiana miaraka amin’i Kristy, izay famonjena antsika.

Izao volan’ny fitsanganan’ny Tompo amin’ny maty izao anie mba hanehoan’ny Tompo ny heriny ho antsika, ka hitondra fampandresena lehibe ho antsika eo amin’ny ady rehetra izay atrehintsika, nefo tsy aha-tonga antsika ho mpandresy ratsy, fa ny ho tena manoatra noho ny mpandresy. Romana 8.37.

Ny Mpitandrina RAVALOSON

### FIAINAM-PIANGONANA > 3

#### FJKM ANKADIFOTSY Niverina indray ny maraim-baovao



### FIAINAM-PIANGONANA > 6

#### Fandaharana herinandro Masina 2023



# FOIBE FJKM

## Hazakazaka masina Rodobe 2023

*Manao ezaka maro isika ato anatin'ny FJKM amin'ny fitoriana ny Filazantsara ka anisan'izany ny "Hazakazaka masina Rodobe".*

**H**atao ny 15 Aprily 2023 amin'ny 7 ora maraina « Hazakazaka Masina Rodobe » ka hiainga eo amin'ny FJKM Antanetibe Fitiavana mihazo ny kianja toeram-panomana mpitandrina Ivato izany. Hisy ny fanompoam-pivavahana manomboka amin'ny 9ora maraina eny an-toerana. Araka ny tapaka tamin'ny Sy-noda lehibe tany Sambava, dia nisy ny vina napetraka ny amin'ny "Vontosy Filazantsara i Madagasikara, Filazantsara manova ny tantara" ka tafiditra ao anatin'izany ny ezaka « Hazakazaka masina » ny Fiango-nan'i Jesoa Kristy eto Madagasikara. Aorian'ny hazakazaka masina rodobe dia hisy ny lalao ara-panatanjahan-tena izay hatao isaky ny sabotsy tontolo andro hanomboka ny 15 Aprily hatramin'ny 24 Jona 2023 amin'ny 8ora maraina. Ireto avy ny taranja hilalaovana



*Kristianina FJKM tonga teny Antsonjombe tamin'ny fanompoam-pivavahana tamin'ny fitrotroana am-bavaka ny taom-panompoana vaovao.*

baolina kitra 11 lehilahy, basketball mixte ary pétanque triplette mixte. Ireo hetsika roa lehibe hanombohana ny Hazakazaka masina fanatajahan-tena ireo dia sehat'asa iray ao anatin'ny hazakazaka masina. Fitoriana Filazantsara amin'ny alalan'ny fanatajahan-tena sy fiatazana ny ankizy, tanora amin'ny fialam-boly araka ny sitrapon'Andriamanitra no foto-kevitra ijoroana. Nisokatra ny zoma 17 Martsa 2023 lasa teo ny fisoratana anarana tao amin'ny foibe FJKM Trano Ifanomezantsoa Analakely. Nisy ny fiofanana tsy maintsy natrehana ny sabotsy 1 Aprily 2023 tao amin'ny FJKM Atsimon'i

Mahamasina. Ny fitandremana rehetra no handray anjara amin'zany hetsika izany ary isika eto amin'ny Fitandremana Ankadifotsy dia anisan'ny efa nandray anjara mavitrika tamin'ny lalao volley tamin'ny taona 2019.

*Rojo Ramaro*

### IFRP 25 taona nanabeazana Hetsika maro no hanamarihana ny jobily volafotsy



*Ankoatra ny mpampianatra, dia tonga maro tamin'ity fanompoam-pivavahana ity koa ny mpianatra.*

dia niisa 18 ny mpiofana tany am-boalo hany ary taona iray fe-potoana amin'ny taom-piofana, dia miisa 200 mahery izany ankehitriny; ary voafetra ho telo taona ny fahare-

tan'ny fiofanana. Manomanany hahazoana ny mari-pahai-zana Licence mba ho mpampianatra taranja siantifika sy literera izy ireo amin'izany, izay manaraka ny rafitra

LMD. 1 000 mahery ny fitambaran'ireo nahavita fiofanana ary navoaka sy nirahina araka ny fomban'ny FJKM tao Antsahamanitra niaraka tamin'ny famoahana Mpitandrina nandritra izay 25 taona izay.

Miisa eo amin'ny 60 eo ny mpampiofana, ankoatra ireo mpandrahara ao amin'ny Ivotoerana amin'izao fotoana izao. Ny Tale amperinasa dia Docteur ANDRIAR Samuël.

Taorian'ny fanompoam-pivavahana dia hotohizana amin'ny « symposium », sy ny tsenaben'ny sekoly ary ny sakafon-jobily ny fankalazana.

*Sahoby R.*

### FJKM sy CBM Global Fiangonana manabe ireo ankizy manana fahasembanana



*Niara-nanasonia ny filohan'ny FJKM, Irako Andriamanahosoa Ammi sy ny Executive Director, David Bainbridge.*

ny FJKM amin'ny alalan'ny Departementan'ny sekoly sy ny CBM Global Disability Inclusion. Izany tetikasa izany dia mikendry indrindra ny hampidirana an-tsekoly ankizy manana fahasembanana miisa 1.500, eny anivon'ireo sekoly FJKM sy sekolim-panjakana miisa 120 izay miara-miasa anivon'ny Tetikasa MAHAY Fanabeazana Mampiati.

Laharam-pahamehana ho an'ny FJKM ny fanabeazana amin'ny ankabobeny, ary anisan'izany ny fanabeazana ny ankizy manana fahasembanana. Ankizy manana fahasembanana mahery ny 1.200 no misitraka fanabeazana eny anivon'ireo sekoly FJKM sy sekolim-panjakana miisa 120 izay miara-miasa anivon'ny Tetikasa MAHAY Fanabeazana Mampiati. Ny tetikasa MAHAY Fanabeazana Mampiati dia fiaraha-miombonantoka eo amin'

rana ny volana Desambra 2023 ny andiany faharoa izay naha-

ritra 3 taona (2021-2023). **Fiaraha-miombonantoka ho fanatrarana ny vina.**

Navaozina tamin'ny alarobia 22 Martsa 2023 teo ny fifanaraham-piarahamiasa eo amin'ny FJKM sy ny CBM Global Disability Inclusion, izay mikendry indrindra ny hanamafisana ny rafi-panabeazana amin'ny ankabobeny eto Madagasikara mba hahafahana

manome fanabeazana ara-kalitao ireo ankizy manana fahasembanana. Haharitra 4 taona izao fisanarahanana izao ary hisitraka izany ireo sekoly FJKM anatin'ny faripiadi-diam-pampianaranana izay misy ireo tetikasa tohanan'ny CBM Global eto Madagasikara.

Ny filohan'ny FJKM, Andriamatoa Irako Ammi Andriamanahosoa no nisolotena ny FJKM tamin'izao fanaovantsonia izao, notronin'ireo mpiara-miasa eo anivon'ny Departementan'ny sekoly notarihan'ny Tonia Ramatoa Domoina Rakotondranaivo. Ankilany dia Andriamatoa David Bainbridge, Executive Director eo anivon'ny CBM Global maneran-tany no nanao sonia, ary notronin'ireo mpiara-miasa notarihan'Andriamatoa Satry Ramaroson, Talen'ny CBM Global eto Madagasikara.

*SRama*

### NY BAIBOLY INDRAY MIELATRA

#### Epistily nosoratan' i Joda

Ny taratasy nosoratan' i Joda no fohy indrindra ao amin'ny Testamenta Vaovao, kanefa maro ny lohahevitra asongadiny ao. Misy fotokevitra maro iombonan'ny Petera faharoa amin'ny Joda saingy ny Joda dia manatombo kokoa. Mampiavaka ny boky ny fampiasany andian-kevitraavy amin'ireo boky Apokrifia, toy ny bokin'i Enoka. Hevi-dehibe avoitranay ny fanentanana hiorina amin'ny finoana manoloana ireo fampianaran-diso maro. Izay olona voantso na ny Kristianina, no nanoratana ity taratasy fohy ity. I Joda na koa Jodasy izay mpanoratra ny epistily dia voalaza fa rahalahin'i Jakoba izay samy anisan'ny rahalahin'ny Tompo avokoa. Mar. 6 : 3.

#### Fizaran'ny boky :

- 1: 1-4: antso ho amin'ny fijoroana amin'ny finoana manoloana ny fampianaran-diso.
- 1: 5-7: fampitandremana ny amin'ny fitsaran' Andriamanitra izay efa hita teo amin'ny tantara
- 1: 8-16: ireo fampianaran-diso
- 1: 17-25: fampaherezana sy tsodrano.

*Nanangona fifiav*

### TSY HARITRA

Toy ny fanaon'ny ankamaroan'ny mpifankatia sy ny mpifamafoko, dia mba naniry hanao fangataham-bady amin'ny fomba miavaka sy hafakely ity tovolahy iray, monina any Kénya, ka nandritra ny fiaraha-misakafo tamin'ny fianakaviany sy ny an'ny foombadiny no fotoana nikasany hanaovana izany. Nandritra ny sakafô arà, dia nafeniny tao anaty loviam-bary ny peratra mariazy mba ho atao « surprise » araka ny niheverany azy. Kinanjø, raha iny nandrapaka sakafô iny Rakalakely, dia tsy tazany ilay peratra ka voatelinysy nahy. Kenda Rakalakely ary sempotra avy hatrany ka nifamonjena. Tsy misy nahomby izay fomba rehetra natao mba hamoahany ilay peratra, ka voatery nentina haingana teny amin'ny hopitaly. Tsy voafaritra mazava kosa ny fomba nampiasain'ny mpitsabo, fa ny hany fantatra, dia andro vitsy taorian'io dia tazana teny amin'ny rantsantan-dRazazavavy ilay peratra!... Ilàna fitandremana ihany ny fanaovana “surprise” fa indraindray mety hahafaty mihitsy ! Tantara marina izy ity ary nitranga vao andro vitsy izao tany Kenya.



### FANTARO

#### Nikodemosy

Ny Filazantsara araka ny Jaona toko faha-3 no tena manambara ny momba an'i Nikodemosy . Mpanapaka teo amin'ny Jiosy, synedronia no sady Fariseo.

Tonga nitady an'i Jesoa izy nony alina, niaiky ny fahalalany fa mpampianatra i Jesoa, ary tsy misy manana ny fahefany raha tsy avy amin'Andriamanitra. Na dia avo lenta toy izany aza ny fahalalany ara-tsaina ny Tompo, izay tsy mora ho an'ny Fariseo no niaiky izany, dia tsy nahalala ny tena fototry ny Filazantsara izy dia ny mba hananan'ny mpino fiafana mandrakizay, hoy i Jesoa taminy hoe: «ianao va no mpampianatra ny Israely ka tsy mahalala izany zavatra izany?». Tsy manana antoka ny amin'izay ho fiafany mandrakizay izy, koa nampianarin'i Jesoa ny amin'ny fahateraham-baovao, nolazain'ny Tompo taminy fa mila hateraka indray ny olona ary tsy mahazo mahita ny fanjakan'Andriamanitra raha tsy ateraky ny rano sy ny Fanahy.

Niova fo i Nikodemosy, fantany izay inoany ka sahy naneho ny fiandaniany tamin'ny Tompo teo imasom-bahoaka izy, raha ny namany Fariseo sy mpanora-dalana, nanohitra an'i Jesoa sy nika hisambotra azy. ( Jao.7: 50-52 )

Nitondra miora sy hazo manitra tokony ho 100 litatra natao tamin'ny fatin'i Jesoa, namono Azy tamin'ny lamba araka ny fomba jiosy izy sy Josefa avy any Armatia. Jaona 19: 38-42.

Mety ho Nikodemosy vaovao koa ianao mamaky ity lahatsoratra ity, mahalala tsara ny fivavahana kristianina, mazoto mankany am-pianganana, saingy tsy mahazo antoka ny amin'ny fiafana mandrakizainao, tsy miaina izany hoe: Jesoa no Tompo sy Mpamonjy anao, mianara avy amin'i Nikodemosy ! Amin'izao fotoana izao, raiso ny fanomezana tsara indrindra omen'Andriamanitra anao, dia ny fahateraham-baovao: ny fanaovana ho fiafana fa i Jesoa no Tompo sy Mpamonjy ny fiafana manokana, mandroso amin'ny Finoana ianao, mahazo antoka fa mpandovana ny fiafana mandrakizay.

*FifiAV*

# Fifaninanana Hay Soratra Masina Namiratra i Miaro sy Hanitra

Tafiditra indrindra amin'ny fankalazana ny faha-125 taonan'ny STK, dia nisy ny fifaninanana Soratra masina nokarakarain'izy ireo. Vita ny famaranana.

Rakotondravony Miaro Mandresy (11 taona) teo amin'ny sokajy ankizy, sy Andrianjanaharimalala Hanitra teo amin'ny sokajy olon-dehibe no nivoaka mpandresy tamin'ny fifaninanana "Hay Soratra Masina" izay natao ny alahady 19 Martsa 2023 ny famaranana. Ity het-sika ity dia tafiditra indrindra ao anatin'ny fankalazana ny faha-125 taonan'ny STK eto amin'ny FJKM Ankadifotsy.

Nizara roa ny fifaninanana, ka tao ny sokajy ankizy ary ny sokajy olon-dehibe ka ny sokajy ankizy no nanokatra ny lalao. Ireto avy ny mpandray anjara tamin'izany: Rafanome-zantsoa Ariane Olivier (8 taona) sy Rakotondravony Miaro Mandresy (11 taona).



Randrianalison Herizo, komitin'ny mpikarakara sy i Miaro, ilay nivoaka mpandresy.

Marihana fa tsy tonga ny mpi-faninana iray tamin'izy ireo. Izay nahazo isa 9 no nibata ny fandresena ka i Miaro no nahazo izany ary i Ariane kosa nahazo isa 6.

Nialoha ny nidiran'ny sokajy olon-dehibe, dia ny Mpি-

hiran'ny Farimbona zokiny sy amperin'asa no nanafana ny se-hatra.

Teo amin'ny sokajy olon-dehibe dia ireto avy ny mpandray anjara: Rakotomandimby Vonintsoa Ravakiniaina sy Andrianjanaharimalala Hanitra nahazo isa 4.

Malala Poussy

## Sekoly Alahady Taom-baovaon'ny mpampianatra



Ambohiphaonan'ny mpampianatra Sekoly Alahady teny Ambohimalaza.

fazin'Andriamanitra izy noho izany. Taranak'i Davida anefa izy, ary voataiza hanompo an'i Jehovah".

Ao anatin'ny fanompoana an'Andriamanitra isika, ny mpampianatra koa, dia mila mijoro, mitandrina, mifikitra amin' i Jesoa hoe « katsaho aloha ny fanjakana'Andriama-

sy fahamarinana ary fiaianana.

Rehefa ny ray na ny reny ao an-tokantrano no manompo sampy, dia mikorosy fahana tahaka izany koa ny tokantrano; satria ny fiaianam-panahy mihitsy no tsy misy, araka ny tenin' i Jesoa hoe « katsaho aloha ny fanjakana'Andriama-

nitra sy ny fahamarinany, dia hanampy ho anareo izany rehetra izany » (Mat 6: 33).

Taorin'izay dia niara-niala hetaheta ny rehetra, ary kilalao maro isan-karazany sy fifanakalozana fanomezana, sy Soratra Masina natao tamin'ny endrika 'jo" no nifampizarana nandritra ny tontolo andro, tao anatin'izany ny fanolorana solombodiako ho an'ireo mpampianatra sy mpandrahahara zoky raiamandreny.

Izany no natao dia mba ho fampiraisana hatrany ny mpi-kambana rehetra ao anatin'ny sampana S.A.

Malala Andriniaina

## Vaomieran'ny Asa Sosialy Tsy hotompoina fa mba hanompo

Notanterahina tao Ankadifotsy Befelatanana ny sabotsy 18 Martsa tolakandro, lasa teo, ny taom-baovaon'ny Vaomieran'ny Asa Sosialy, niarahana tamin'ny filohan'ny SAFIF sy solotenan'ny mpiasan'ny fahasalamana, izay mpiara-miasa akaiky amin'ny vaomiera.

Atoa Ramanakandrasana Jean-Claude, izay sady mpi-kambana ao amin'ny vaomiera no solotenan'ny Safif ihany koa no nitondra ny Hafatry ny Tompo, araka izay hita ao amin'ny Filazantsara Masina araka ny Marka10: 35- 45, niompana tamin'ny fanetren-tena ny fampianarana. Heverina ho toy ny ady sezao no nisy teto, miady ho eo ankavia sy



Nisy ny fanapahana mofomamy tamin'ny taom-baovaon'ny Vaomieran'ny asa sosialy.

## Alatsinain'ny Paska 2023 Eny Imerinkasinina no hitsangatsangana ny fiangonana

Eny Imerinkasinina no hotanterahina ny fitsangatsanganan'ny fiangonana ny Alatsinain'ny Paska amin'ity 2023 ity. Hiara-hientana ny fiangonana manontolo, hisy sakafio isan-karazany amin'ny vidiny mirary eny an-toerana hantramin'ny sakafio atoandro mba tsy ho sahirana ny mpianakavin'ny finoana sady ho fanohana ny sampana mandray anjara isany.

Ny sampana, sampan'asa, asa, fikambanana koa dia samy hitondra fanentanana, lalao samihafa hanehoana fiombonana. Ny solotenan'izy ireo dia efa njery sy namana ny toerana teny Imerinkasinina ny 29 Martsa lasa teo.

Ny Vaomieran'ny Fiombonam-piaianana (VFP) toy ny mahazatra no miandraikitra ny rindran-damina momba izany.

Fifi AV

Niarahana tamin'ny vadin'ny Mpitandrina ny fanapahana mofomamy.

## FJKM Ankadifotsy Niverina indray ny maraim-baovao

Nanomboka ny talata 7 Martsa 2023 indray ny "Maraim-baovao" eto amin'ny fitandremana Ankadifotsy, izay notarihan'ny Raiamandreny Mpitandrina Ravaloson. Nisy ny asa sy fampahe-rezana notarihany taorian'ny fotoam-bavaka fohy.

Manomboka amin'ny 6 ora maraina ka hatramin'ny 7 ora ny Maraim-baovao. Ny alatsinainy hatramin'ny sabotsy izany, izay hiantsoana ny mpianakavin'ny finoana tsy ankanavaka. Miatomboka amin'ny fanompoam-pivavahana fohy, ary aorian'izay dia afaka mankeny amin'ny alitara ny tsirairay mivavaka.

Marihana fa ny AFF sy ny SaFif ary ireo izay nivoaka tao amin'ny SeFala sy SeTela no mitarika rehefa samy avy nahazo fiofanaavy tamin'ny Mpitandrina izy ireo.

Nanangona Malala Soa



## Asa fitoriana ny Filazantsara Fampiofanana mamaky teny sy manoratra

Hisy fampiofanana mamaky teny sy manoratra karakarain'ny Asa Fitoriana ny Filazantsara mandritra ny 10 andro izay hanom-boka ny 19 Aprily amin'ny 8ora sy sasany hatramin'ny 29 Aprily 2023 ao amin'ny IFR.

Izay liana amin'izany dia misoratra anarana any amin-drama-toa Rondro (biraon'ny Aff) ao amin'ny laharana an-telefaonina 033 14 326 14 na 034 76 069 38.

Ireo zavatra ilaina amin'izany dia :

- chemise cartonnée bleu, beige
- vidin'ny boky roa (2) 25 000ar isan'olona.

Mahasoa antsika izany ho fampandrosoana ny asa fitoriana ny filazantsara, koa mandrisika antsika izay resy lahatra.

Nanangona Malala Soa

## Taom-baovaon'ny SAFIF Ny sabotsy 25 Martsa 2023 no notanterahina tao amin'ny IFR

Mpiandry, mpiomana, vady aman-janaka, zanaky ny fifohazana samy niara-nifaly avokoa. Ny filoha Rasoanaivo Anna no nitarika ny fotoana, ny filoha mpanampy Andrianarisata Volatiana no namaky ny tenin'Andriamanitra , Ramatoa Ravaloson Sarindra kosa no nitondra ny hafatra izay nalaina tao amin'ny bokin'ny Romana, Rom13:1-10. Ny andininy fahavaloo sy fahafolo no nisintonana ny hafatra , dia ny hoe: "hanoa izay adidy tandrify antsika isika; Jesoa no fitiavan'Andriamanitra izao tontolo izao."

Ny fanompoanao dia aloavy ho an'Andriamanitra ary efao ny adidinao eo amin'ny fiafaha-monina. Ho modely halain-tahaka amin'ny fitiavana ny namana. Hevero ho toy ny tenanao ihany ny namanao ka izay tsy tianao atao amin'ny tenanao dia aza atao amin'ny namanao, fa izay tianao hatao amin'ny tenanao kosa dia ataoovy amin'ny namanao.

Kilalao, hira, dihy mirindra no nifandimby taorian'izany. Amin'ny tonon-taona toa izao dia tsy adino ny nanolotra solom-bodiakoho ho an'ireo raiamandreny sy zokiolona ato amin'ny fikambanana. Nofaranana tamin'ny fizarana mofomamy ny fotoana.

Harilalaina Andriantsoamihamina



Niarahana tamin'ny vadin'ny Mpitandrina ny fanapahana mofomamy.

## Jesosy ve?

Zohim-pahoriana sy rako-pahantrana  
Ny fainana an-tany,  
Lozoam-pijaliana sy ady mafana  
Ny olo-tomany,  
Lonjehitry ny asan'ireo fahotana  
Ny maro ka hany  
Mangetaheta, maniry Hazavana !

Ianao 'zay manaiky ny Tompo Jesoa  
Ho Mpanavatra kosa,  
Manaiky ao an-tsaina ary koa ao am-po  
Fa be miavosa  
'reo hetsika ratsy tsy mahavoka-tsoa  
Ka aleo manavao  
Ny fanekena ho Tompo Tsitoha ny Tompo Jesoa !  
Na hisy ary avy eo ny onja mahery  
Te-handrendrika anao,

Na hisy ihany koa tafiotra amam-pery  
Ta-handrakotra anao,  
Ny herin'ireny tsy haneriterity,  
Satria Jesonao  
Mpamonjy Tsitoha tena tompon'ny Hery !  
Amen !

Dr Randriamahazosoa  
Boanerjesy Olivier

## MAZOTOA HOMANA

## Lasopy chou-fleur

- Zavatra ilaina ho an'olona 8 : Chou-fleur lehibe 1, karaoty voakiky, céleri, ron'akoho, dibera 100g, lafarinina 60g, ronono 50cl, fromazy 25g, sira sy dipoavatra, sakay raha tiana.

- Fikarakarana azy : Sasao tsara daholo ny legioma, teteho ny chou-fleur sy céleri, kikiso kosa ny karaoty.

Arotsaho ao anaty vilany ny legioma sy ny ron'akoho, azo soloina « bouillon » akoho raha tsy misy. Ampagotraho mandritra ny 15mn.



Ao anaty vilany iray hafa, empoy ny dibera, arotsahy ny lafarinina sy ny sira ary ny dipoavatra. Arotsahy tsikelikely ao anatin'io fangaro io ny ronono. Ataovy malefaka ny afo, avelao hiketrika mandritra ny minitra vitsivitsy. Rehefa izay, dia arotsahy ny fromazy voakiky sy ny sakay raha tiana.

Afangaroy amin'ilay legioma teo ambony, dia vita ny nahandro.

Mazotoa homana indray àry, tompoko !

R.Sidonie

## MBA SAINO

## Eny Fantatro

Eny fantatro :  
Fa tsinontsinona aho  
Raha tsy lanao no amiko  
Zava-poana ny fananako

Raha tsy itoeranao  
Maina ny fainako  
Raha tsy fenoinao  
Zary alina ny marainako

Taha tsy lanao no andrirahoko  
Fa hamiratra ny aliko  
Satria lanao no Andriafoko  
Hiveri-maina izato soratro

Raha tsy ny Fanahiniao...

N.N.Y - 23/07/15  
In Mikopaka... Finoana

## Samihafa

# Fianjaika



## Lobaka

Na misoratsoratra, na mitsoridriaka, dia mbola samy lamaody avokoa raha lobaka ho an'ny lehilahy no resahana.

R. Sidonie

## Ny voaloboka

Ireo otrikaina sy ireo singa mety ho hita ao amin'ny voaloboka :  
B1, B2, B6 – C – E – Calcium – Cuivre – Fer – Fibre – Magnesium – Manganese – Potassium – Phosphore ...

Ireo soa azo avy amin'ny fihinana voaloboka :

- Manatsara ny fikorianan'ny rà sy manadio ny rà
- Tsara ho an'ny olona manana tosidrà ambony sy tsy ampy rà
- Mampidina ny tahan'ny menaka sy ny sramamby ao anaty rà
- Mampitombo ny tahan'ny sela mena
- Miaro ny sela tsy ho harafesenina
- Manalefaka ny lalandrà ka manakana ny mety ho fahatapahany
- Miaro sy miady amin'ny karazana homamiadana
- Manampy amin'ny fiasan'ny tsinay sy ny fandevonan-kanna
- Mitondra hery fiarovana



- Manamafy ny taolana
  - Entina miady amin'ny havizanana
  - Mandrindra ny lanjan'ny vatana, manala tavy
  - Mampitony ny maloiloy sy ny fainainanana
  - Manatsara ny hoditra sy ny maso ary ny volo
  - Mandio ny taova ao anaty, tsara ho an'ny fo sy ny lalandrà
  - Mikoloa ny fitadidiana, tsara ho amin'ny fisorohana ny alzheimer
  - Manatsara ny kalitaon'ny torimaso
  - Mampitony ny raritsaina sy ny havizanan'ny atidoha
  - Manamaivana ny aty, tsara ho an'ny olona marary vavony
  - Manamafy sy miaro ny nify
- Fotoana fahavokaran'ny voaloboka izao ka mahaiza manaraotra satria voankazo mitondra hery sy votatsoa betsaka hikoloina ny fahasalamana ny voaloboka.

Fanja RAVELOARIJAONA

# AFIFAB

## Miantso fiaraha-miasa amin'ny sampana, sampan'asa sy asa ary fikambanana

Nanamarika ny alahadin'ny Herinandron'ny AFIFAB isika teto Ankadifotsy. Ny alahady 26 Martsa nonofaranana izany tamin'ny Alahadin'ny AFIFAB.

**N**y alahady 26 Martsa no alahady natokan'ny foibe FJKM hitro-troana am-bavaka ny Asa Fidandraisana sy Fampahalam-lam-baovao (AFIFAB), ka tsy diso anjara izany isika teto amin'ny FJKM Ankadifotsy.

Niantso fiaraha-miasa amin'ny sampana, sampan'asa, asa ary fikambanana ny filohan'ny AFIFAB FJKM Ankadifotsy, Andrianarison Veronica raha nandray fitenenana tamin'io fotoana io. « Ho fanatsarana ny fiaraha-miasa, dia maniry mba hisy solotena 2 avy hiara-hifanome tanana ka mba tsy hisy sampana ho adino amin'ny hetsika atao rehetra eto anivon'ny fiangonana », hoy ny nambarany.

Marihana fa ankolafy 3 no mandrafitra ny AFIFAB eto amin'ny FJKM Ankadifotsy dia ny gazety Fafana izay mankalaza ny faha-23 nisiany amin'ity taona ity. Ny Siteweb izay 18 taona nijoroana ary ny Vaoimeran'ny Teknolojia Maderina (VTM) mankalaza ny faha-13 taona nisiany ihany koa amin'ity taona ity.

### Atrikasa fifampizara na traikera

« Tsy maintsy manana zavatra ambara amin'ny fotoana rehetra amin'ny zava-mitrange



Andrianarison Veronica, filohan'ny AFIFAB nanentana ny SSaAF amin'ny fiaraha-miasa.

rehetra ny fiangonana », hoy Rajaonah Herivony, filohan'ny komitin'ny AFIFAB foibe raha niresaka momba ny anjara toeran'ny gazety nandritra ny atrikasa natao teto amin'ny FJKM Ankadifotsy ny sabotsy 25 Martsa lasa teo. Fiangonana 5 manana gazetimpiangonana sy rafitra AFIFAB tamin'ireo nasaina no namaly ny antso, ka tonga nanatrika izany atrikasa iombonana izany.

« Ny toeran'ny gazetimpiangonana roa taona taty aorian'ny nisian'ny valanaretina Covid-19 » no resaka nandritra ity fotoana ity. Samy nilaza avokoa na ny FJKM Faravohitra, na ny FJKM Ambo-

nin' Ampamarinana, na ny FJKM Antsampandrano ary ny FJKM Amparibe Famonjena ftena nampihena ny faharisihan'ny mpivavaka hividy gazety ny fisian'iny valanaretina iny. Saika nihena be avokoa ny fanontana natao vokatr'izany. Ho antsika eto Ankadifotsy dia raha 1 000 isa no natonta nialoha ny nisian'ny Covid-19, dia 300 sisa izany ankehitriny, saingy mbola tsy lafo manontolo izany.

Niara-niaiky ihany koa ny mpamorona nandritra ity fotoana ity. Samy nilaza avokoa na ny FJKM Faravohitra, na ny FJKM Ambo-

manintona mba hamaly ny hetahetan'ny ankamaroan'ny mpivavaka.

Notsindriana nandritra ity fotoana ity, fa tsy varotra fa fitoriana ny Filazantsara ny famoahana gazety, ka asa tokony ifarimbonan'ny rehetra.

Ity hetsika ity dia tafiditra indrindra tao anatin'ny Herinandron'ny AFIFAB izay marihana isan-taona manerana ny sahan'ny FJKM. Efa fanaon'ireo fiangonana manana rafitra AFIFAB sy gazetimpiangonana rahateo ity atrikasa ity, ka mbola hotohizana izany, araka ny fanazavan'ny tomponandraikitra, satria mampivelatra sy mampiombona.

R.Sidonie

### Mpamakiteny Ankadifotsy Fiderana lehibe noho ny faha-35 taona



Ny fianakaviamben'ny Mpamaky teny niaraka tamin'ny mpitandrina Ravaloson sy ny mpitandrina teo aloha Ranjakavola.

“personnalisé”, ny boky kely fandraisana ny toriteny isan’alohady, ny penina, ny porte-clé, bracelet izay samy efa misy “logo” ny faha-35 taona avy.

Afaka manao fangatahana amin'ny “Facebook” ihany koa ary izany dia fiaraha-mientana amin'ny fanatratrarana ny vina ilay “Studio de production” hamokarana ireo fandaharana alefa amin'ny haino aman-jery sy ny perikopa hampainina ho an’ireo fitandremana hampianina.

Nitohy tamin'ny fiaraha nisakafo ny fotoana teny Ambohimanga, niarahana tamin’ireo Raiamandreny mpitandrina Atoa Ravaloson mivady sy Atoa Ranjakavola mivady mpitandrina teo aloha, mivady mpitandrina teo aloha, Nitohy tamin'ny fiaraha nisakafo ny fotoana teny Ambohimanga, niarahana tamin’ireo Raiamandreny mpitandrina Atoa Ravaloson mivady sy Atoa Ranjakavola mivady mpitandrina teo aloha, mivady mpitandrina teo aloha,

ny biraom-piangonana, ireo soloten-tsampaana asa fikambanana, ireo fitandremana rahavavy nampiofanina, ireo rehetra vahiny nasaina, ireo mpikambana nifandimby sy amperin’asa. Ny fotoana dia nafanain’ny tarika ACACIA izay tarihan’ny prezidà Synodaly Iarivo Avaradrano Atoa Rabetokotany Miarilaza, mpitandrina.


Tao anatin’izay 35 taona nijorony izay, dia ireto avy ireo filoha nifandimby :  
- Atoa Ranaivo Andriamaroahiana Tovonjanahary  
- Atoa Rakotondrazafy Nantaina  
- Raderason Hery  
- Rabefirenenra Velo Tiana  
- Ramaroson Satry  
- Randriakoto Navalona

- Andriamparany Rafiringa  
Anisan'ny tsangambatom-pinoana ihany koa ny hampiofanina ny synodamparitany Iarivo Avaradrano ny volana Mey 2023 ho avy izao. Mitohy ny fampiofanana ivelany, ny FJKM Anosipatrana indray no nahavita izany ny volana Martsa lasa teo. Manodidina ny 70 ireo nahavita izany, izay nihitana diakona, loholona ary ireo soloten-tsampaana. Ny fitandremana Anosizato Hebrona indray no hisitraka ny fampiofanana famakiana Soratra Masisina amin'ity volana Aprily ity.

Raha iverenana momba ny fankalazana, dia ny 13 Aogostra 2023 no ivon’ny fankalazana ary ny 26 Novambra 2023 no famaranana izany.  
Rojo Ramaro

### FENO 90 TAONA i Henri RATSIMBAZAFY

Natao teto amin'ny FJKM Ankadifotsy ny fanopoom-pivavaha fisaorana an'Andriamanitra noho ny faha-90 taonan'ilay mphira malaza Henri Ratsimbazafy.



Atolotra antsika ny momba azy. **RATSIMBAZAFY** Henri no anarany. Teraka tamin'ny 29 Martsa 1933 tao Ambatotitsangana Ankadifotsy - Antananarivo. Manambady an-dramatoa Rambeloson Bakoly, manan-janaka 6 mianadahy fa ny iray efa nodimandry, manan-jafikely sy zafafy 24. Voataiza ara-panahy teto amin'ny fiangonana FJKM Ankadifotsy hatramin'ny fahazazany. Tao izy no natao batista, fa no-raisina Mpandray ny Fanasan'ny Tompo kosa tany ivelany. Mpamoronkira, mpitendry zava-maneno ary mphira izy.

**Ireo sampana nisy azy tao amin'ny fiangonana**  
Izy dia anisan'ireo tao amin'ny Sampana Tanora Kristianina sy ny Sampana Vokovokomanga ary ny antoko mphira. Marihana fa mbola ao anatin'ny Mpahiran'ny Farimbona Zokiny Ankadifotsy izy hatramin'izao.

### Ireo hira noforoniny

Hiram-pivavahana anisan'ny noforoniny voalohany tamin'ny taona 1950, teo amin'ny faha-17 taonany ny “He Jehovah Ray Tsitoha”. Ny taona 1960 kosa izy vao nanomboka nihira sy namoaka kapila voalohany, nahenoana ny “La chercheuse d'eau” – “Chante ma valiha” – “Revoir Tanà” – “Lamba blanc”, izay hira nahafantaran'ny olona azy tany ivelany.

250 mahery ny hira noforonony, 50 mahery amin'izany no hira ara-pilazantsara, izay vitany solfa avokoa, mba ahafahan'izay rehetra (mpankafy na antoko mphira) mihira azy. Tsy diso anjara tamin'ireo hirany Ny Mpahiran'ny Farimbona Ankadifotsy : “Ampianaro aho Tompo” – “Salamo farany” – “Noelin'ny fenantana” – “Tompo o fantatrao” – “Misaotra Anao aho” ... Ny hirany “Faly aho” – FF11 sy “Tsy mendrika ahy” – FF22, dia samy voarakitra ao amin'ny Fihiranana Fanampiny avokoa. Nandray anjara sy nanampy tamin'ny famadihana ny fihiranana FFPM (TIONA) ho naoty izy.

**Ny fahatsiarovana** tena nahafaly azy indrindra ny nandre voalohany ny kapila mirakitra ny hirany tao amin'ny radio-pierenena, satria mbola vitsy ny mpanakanto nihira tamin'izany fotoana izany.

**Ho azy ny mozika** dia fizara amin'ny hafa ny kanto, izay fanehoana ny ao am-po sy ny ao an-tsaina. Tsy mihira hiran'olona ankoatra ny hira noforoniny izy. Ny mpamoron-kira ankafiziny indrindra dia i Bessa (na Rabe Samuel) raha Malagasy, ary Charles Aznavour raha vahiny, raha ny mpanoratra kosa dia i Rado (na Georges Andriamanantena). Fanirany ny hoe : “Aleo dieny velona no ankasirana ny mpanakanto”.

Ny zanany faravavy “Zoely Ratsimbazafy” no heveriny han-dimby azy eo amin'ny sehatry ny mozika, satria saday mahay mamaky naoty tsara izy, no tia sy mahay mihira ihany koa.

### Hafatra ho an'ny mpankafy

“Raha raisinareo ny tanako amin'ny fitiavana ny hirako, dia mbola manohy hatrany aho.” Mahafaly ahy ny mandre fa mbola misy mankafy ny hira noforoniko. Mamorona hira izay tian'ny olona aho, izay hira mitantara ny fainana fa tsy misy fananarana.

### Hafatra ho an'ireo mpamoronkira sy mphira

Aoka samy hitandrina amin'ny zavatra ataony, ny amin'ny fanoratana sy ny fanononana ny tononkira, izay tokony ezahina hotononina tsara mba ho fantatry ny olona ny tiana ho lazaina. Tsy ampy ny fahaizana mihira fotsiny, fa ny fahaizana mampita ny hafatra lazain'ny tononkira no tena zava-dehibe.

**Ny tsiambaratelon'ny fahatongavana ho amin'ny 90 taona** dia “tsy misy afa-tsy ny fitiavan’Andriamanitra irery ihany, ary tsy azo ireharehama io”, hoy izy. Ny fitandremana ny fomba fisakafoanana mba ho zavatra vita Nanahary ihany no hohanina raha azo atao, sy ny fahaizana manamboatra ny fomba fainana, no anisany ezaka atao. (Marihana fa sady tsy mifoka sigara izy no tsy misotro toaka)  
Ny fiaraha amin'ny namana mitendry sy mihirahira, manao daomy sy belote no fialamboliny.

Fanja RAVELOARIJAONA

### Fikarakarana voninkazo “Saha Edena”

Ireo tompon'andraikitra mikarakara voninkazo amin'ity volana Aprily 2023 ity

- 01 avril : groupe 10
- 06 avril (Alakamisy Masina) : Faritra
- 09 avril (Paska) : groupe 11
- 15 avril. : groupe 12
- 22 avril. : groupe 13
- 29 avril. : groupe 14

Nanangona Malala Soa



# Fandrosoana amim-pifampandrosoana

## Zaza miankina mbà hivoarana

Mirary soa ny havana aman-tsakaiza, rehefa mamangy terabao ka milaza hoe : "maro-roha taiza!" M i a n k i n a amin'ny singa maro ny fivoaran'ny zaza, ka indraindray heverina tsy ho anisany ny fanazarana azy amin'ny Tenin'Andriamanitra, fa ny fanazavana siantifika fotsiny ihany no iantehlerana.

Maika avokoa na ny ray aman-dreny na ny iraitampo amin'ny zaza vao teraka, ny hahita azy hitombo, mba hahafahana mitaiza, milalao sy mifanakalo ary miresaka aminy. Miara-dia ny saina, vatana sy fanahy araka ny fandalinana natao hantrizay mikasika ny zaza, ny ankizy, ny adolatsento sy ny lehibe. Ny tsy azo ialàna dia ny maha-izy voalohany ny zaza; dia ny maha-olona azy. Olona ara-batana manana ny tanana, ny ton-gotra sy ny taova rehetra. Eo amin'ny fivoarany handroso hihamatotra ara-tsaina sy hitombo arabatana no ahitana ny fahasamihafana. Ara-taona no hanamarihana io fandrosoana io, ka ampiaraha ao anatin'ny fandinhana, ny fandraisan'ny zaza ny zava-tsapanay sy hitany, henony sy horohany ary andramany amin'ny vava. Azo ijerenia fandrosoana io koa ny fahatsapan'ny zaza ny manodidina ny ara-panahana. Tsaraina araka ny fampiasany ny ainga tairin'ny taova rehetra mikasika ny fanahana, ny fivoarana. Ny zaza dia mivoatra koa, araka ny traikefa amin'ny fampiasany ny vatany, ny sainy mba hahalalany kokoa ny maha-izy azy sy hahafahany mihetsika sy mieritreritra araka ny tokony ho izy.

Manaitra ny fiaraha-monina ankehitriny ny fiarahan'ny lahy sy ny lahy na ny vavy sy ny vavy. Misy ny manazava azy ho vokatry ny fikorontanana teo amin'ny fivoaran'ny zaza. Mame-tra lalàna sy fenitra ny maro amin'ny fihetsika eo



4:12. Mba tsy hilatsahana ao anatin'ny fitsarana na fanaratsiana na fanatsarana, dia azo atao filamatra ny Tenin'Andriamanitra izay miasa vao miverina any amin'Andriamanitra.

## Fifampandrosoana ara-pahamatorana

Marika ahitana fa mandroso kokoa ny olona rehefa mahay mifandray amin'ny hafa. Soka-jiana ny olona ho zaza (bébé), ankizy (enfant), adolantsento (adolescent), lehibe (adulte). Misy ny tafajanona tsy an-tany tsy am-parafara, ka antsoina koa hoe : lehibe sarintsariny (adolescent) sady tsy lehibe kanefa tsy adolantsento koa.

Zavatra na "phénomène" iray tsikarity ny rehetra ankehitriny eny an-dalana, ny fahaterahan'ny zavatra vaovao, mbola tena zaza raha ny taona no jerena, tsinona izany fa ny fidirana sy ny fikaretsahan'ny "taximoto" mifangaro amin'ny fiera fitaterana nahazatra.

Maka toerana ao an-tsain'ny mpitondra fiera ny "moto" kodiarandroa, ary rehefa mampiassa ny teny hoe "scooter" ny mpamily, dia toa maka dikany ratsy io teny io. Tsy voaavaka intsony ny mahay mitondra sy ny tsy mahay fa rehefa ma-



hita "scooter" dia sahiran-tsaina. Toa azo soka-jiana tahaka ny zaza mitombo tokoa ireo mpitondra kodiarandroa izay tsy manaraka ny lalànan'ny fifamoivoizana. Sehatra iaraha-monina ny lèlana, sehatra ifaneraserana. Manana fia-toavam-pifandraisana ny fiara sy ny kodiarandroa; ny "klaxon" (anjomara), ny "clignotant" (jiro manamarika fifindrana lalana). Ny tanana koa dia ampiasaina be, ary ao koa no manampy tsiky rehefa mangata-dalana na rehefa misaotra fa nahazo lalana.

Inoana fa mahomby kokoa ny fihetsika rehefa arahana fisokafana ara-tsaina sy ara-panahy amin'ny hafa. Ankadifotsy dia manana filamatra mampahatsiay ny fahaizana sy fientanana mialaka amin'ny hafa; "velona ho an'ny hafa!" Io fisokafana amin'ny hafa io dia manampy amin'ny fianarana sy ny asa ary ny fialamboly. Mitondra ho amin'ny fihainoana, fatokiana sy finiavana miaraka manao vina sy manatanteraka ny vina io toe-panahy io. Samy manana ny fampiharana io filamatra io ny mpino Ankadifotsy, ary samy manana ny fiafina azy any anatin'ny

asa, sampana sy fikambanana any. Any an-trano koa dia toa izany, indrindra moa fa ampiaraha aminy ny Tenin'Andriamanitra.

Maro mitaraina ao an-tsaha, hoy ny hira, ary tsy a hitam-ba- haolana matetika ny zava-manahirana iainana, na io amin'izay akaiky, na mahakasika ny fiaraha-monina ankapobeny, na eo amin'ny firenena.

Antso ilay hoe: "Iza moa no olona aminareo, izay manana ondry zato, ka very ny anankiray, no tsy mando ny sivy amlby sivi-folo any an'efitra ka mandeha hitady ilay very mandra-pahitany azy?" - Lioka 15:8

Jocelyn R

## Fintina toniteny VOLANA FEBROARY

### MAMERINA AMIN'NY FAHAMARINANA NY TOMPO

#### Alahady 26 Martsa izay nalaina tao amin'ny Zefania2:1.3.

Eto, ny Tompo dia manao antso avo amintsika rehetra izay ninodina taminy mba hahatanderaka ny fahamarinany. Hafatra 2 no zaraina amintsika amin'izany :

**1. Mitaona antsika Izy MBA hanara-raotra hiverina Aminy isika.**

Dieny mbola misy fotoana, dieny mbola eo Izy, dia tsarovy fa vonona handray anao ny Tompo.

Te hamonyj antsika Izy ary tsy misy tiany ho very isika, na dia iray aza.

"Izay manatona Ahy dia tsy mba ho laviko", hoy ny Tompo.

**2. Mitaona antsika Izy mba haharitra amin'ny fitadiavana an'i Jehovah.**

Ny fahamarinana andrasan'Andriamanitra amintsika dia isika manatanteraka ny voady sy ny fanekena rehetra izay natao taminy.

Mamindra fo amintsika ny Tompo, ary manome fo vaovao antsika Izy hahazantsika mandefitra sy maha-zaka ireo olana sy ady rehetra eo amin'ny fiafina.

Sarotra izany amin'ny maha olona, fa rehefa ao amin'ny Tompo sy mifikitra Aminy isika, dia vitantsika izany, ary hatramin'ny farany ny fifikirantsika Aminy.

**Alahady 19 Martsa 2023 izay na-laina tao amin'ny Jeremia33:1.9.**

Amin'izao vanim-potoana iainantsika izao, dia maro amintsika no miaina ao anaty fijaliana, fahoriania ary fahatranra.

Fepe tra kely anefia no andrasan'Andriamanitra amintsika, dia isika hiantso ny Anarany sy hitodika any Aminy.

Toky sy vahaolana 3 lehibe no omen'ny Tompo antsika raha manaiky Azy isika:

**1. Hitondra fanasiranana ho anao ny Tompo.**

Ny olam-piaianana rehetra izay mian-jady amin'ny fiafina, dia hositrainy satria vonona hitondra fitoniana sy fiadanana ho antsika Izy.

**2. Fampodiana antsika hiverina eo anatrehan.**

Isika izay mahatsiaro fa milentika, vonona hihaino antsika ny Tompo.

"Tsy tonga hiantso ny marina Aho fa ny mpanota", hoy ny Tompo, ary tena hitondra fialiana ho antsika izany famerany antsika amin'ny laoniny izany.

**3. Vonona hamindra fo sy hamela heloka antsika i Jehovah.**

Na inona na inona fahotantsika, dia vonona hanadio sy hamafa ny helotsika rehetra Izy.

Izany ilay santary ny fiafina mandrikay ampanantenainy antsika.

**Alahady 12 Martas izay nalaina tao**

#### amin'ny Lioka10:25-37.

Toromarika 3 no omen'ny Tompo antisika anio raha tantsika ho azo antoka ny mandrakizantsika.

**1. Fantaro aloha ny Soratra Masina.**

Ny Soratra masina no taridalana ho antisika ary mampahafantatra ny hasarobidantsika eo anatrehan'Andriamanitra.

**2. Ampiharo izay lazainy.**

- Ravao aloha ny sakana rehetra.

Be dia be ny sakana, toy ny : fanavakahana, fiheverana ny tena ho ambony, fahasamihafana, tsy firaharahiana...

- Mandraisa andraikitra.

Mila ampiharina ny Tenin'Andriamanitra.

Mila manana fo antra sy onena tahaka an'i Jesoa isika.

**3. Tanteraho am-pifaliana izay atao, ka tanteraho hatramin'ny farany.**

Manome antsika izay ilantsika ny Tompo.

Koa ataovy amin'ny finoana sy ny fiafiana ny zavatra rehetra.

"Koa mandehana ary manaova toy izany ambarako izany", hoy ny Tompo.

**Alahady 5 Martsa 2023 izay na-laina tao amin'ny Matio5:43.48.**

Ny fandraisantsika an'i Jesoa no maha-tanteraka ny fahamarinany.

Fitiavana 3 ao amin'i Jesoa no hoza-

raina amintsika anio:

**1. Fitiavana namana.**

Fitiavana Eros: mahay mandray ny namantsika tahaka ny nitianan'Andriamanitra antisika.

Fitiavana agape: mahay manolotra

ho an'ny namantsika tahaka an'Andriamanitra manolotra ny tsara ho antisika.

Ireo fiafiana ireo dia mahatonga ny tontolotsika ho feno fiafiana sy fahsambarana.

**2. Tiava ny fahavalonareo.**

Ataovy tazan'ny olona fa mpianatry ny Tompo isika.

Fitiavana tsy manavaka sy tsy mitanila tahaka ny fiafiana'Andriamanitra ary mikendry izao tontolo izao.

**3. Fitiavana mivavaka ho an'izay manenjika antsika.**


Hain'ny Tompo ny manova sy manamboatra azy ireny.

Aza mieritreritra ny hamely azy akory, fa tsy avelan'Andriamanitra irery isika satria tiany ary sarobidy Aminy.

Koa iaino ny fiafiana ary ataovy ra mikoriana eo amin'ny fiafina, dia vonona hihaino antsika ny Tompo mba hiverina amin'ny fahamarinany isika.

**AMEN**

**Ny nitondra ny hafatra dia ny mpitandrina RAVALOSON FJKM Ankadifotsy**



## TENY FIAFINA

« Fa Jehovah Tompo no hamonyj Ahy, ka dia tsy resin-kenatra Aho; Ary efa nohamafisiko ho tahaka ny afovato ny tavako, ka fantatro fa tsy ho menatra Aho. » Isaia 50:7

## > VOLINTSAINA

### Mba ho Kristiana...

Mba ho Kristiana mpampahery fa tsy hoe: hampaherezina foana. Mba ho Kristiana miaina vavaka fa tsy entina amimbavaka hatrany. Mba ho Kristiana feno hery fa tsy feno tahotra sy fanahiana. Mba ho Kristiana mifanohana fa tsy mifanankiana sy mifandraphy. Mba ho Kristiana mahita fitia amin'Andriamanitra ka tsy hialona ny anjara fitahian'ny hafa Mba ho Kristiana mifankatia fa tsy mifandraphy. Mba ho Kristiana afaka sy sahy hitory an'i Jesoa Kristy fa tsy ho mpiangona tsotra intsony Mba ho Kristiana mahazo antoka fa voasoratra ao amin'ny bokin'ny fiafina ny anarany, ka tsy ho faty antoka fotsiny izy.

fifiav

## > PERIKOPA APRILY

### Ny herin'ny fitsanganan'ny Tompo

2 Aprily- Sampandrofia

Zef 3.14-20; Lio 19.29-44;

Apok. 7.9-12

9 Aprily-Paska

Hos. 6: 1-3; Lio. 24: 1- 12;

Fil. 3: 1- 11

16 Aprily

2 Mpan.13: 20- 21;

Mat. 27: 50- 53; Asa. 10: 34- 43

23 Aprily

Eks. 3: 1- 6; Lio. 20: 27- 40;

Efe.2: 1- 7

30 Aprily

Dan.12: 8- 13; Jao. 21: 15- 19; 1

Kor.15: 42- 49

# Fanompoana an-tsary



Ny filohan'ny Siteweb, ny filohan'ny gazety Fafana ary ny filohan'ny VTM niara-nanapaka mofomamy tamin'ny taom-baovaon'ny AFIFAB.



Fankalazana an'Andriamanitra nohon'ny 90 taona an'i Andriamatoa Henri RATSIMBAZAFY ny 29 martsa teo.



Anisan'ny nanamarika ny alahadin'ny Talen'ny sekoly isika teto amin'ny FJKM Ankadifotsy.



Fankalazana ny taom-baovaon ny Vaomieran'ny Asa Sosialy.



Ireo mpiandraikitra ny tranomboky Sekoly Alahady eto Ankadifotsy.



Fanentanana nataon'ny mpampianatra Sekoly alahady teny Ambohimalaza.



Nanamarika ny taom-baovaony ihany koa ny Vokovoko manga sy Rantsana Fanantenana.

« Mankalazà an'i Jehovah, fa asa lehibe no nataony; ary aoka ho fantatra any amin'ny tany rehetra izany »

**1887 - 2022  
SAMPAHANA TANORA KRISTIANA  
125 TAONAN  
FJKM ANKADIFOTSY**

**Isaia 12:5**

**NY MPIHIRAN'NY FARIMBONA**

**NY MPIHIRAN'NY FARIMBONA ZOKINY**

manolotra antsan-kira ho fankalazana ny **faha-125 taonan'ny STK** ao amin'ny FJKM Ankadifotsy

**CCESCA ANTANIMENA  
ALAHADY 30 APRILY | 3ora**

**HOTRONIN'IREO VAHINY NASAINA**

**FANDRAISANA ANJARA**

- FIRST : 15.000 AR**
- SILVER : 30.000 AR**
- GOLD : 50.000 AR**

**FIVAROTANA NY KARATRA**

- FJKM ANKADIFOTSY
- NISSI BAZAR ANKADIFOTSY

**FANAFAMISAM-PEO SY JIRO**

**Reko Band**

**Rija Ramanantoanina**

**Elsie**

**Production amRitsoka**

**FILAN-KEVITRA: 032 91 614 66 - 038 05 153 51**

**f** **NMPF - FJKM ANKADIFOTSY**